

六、神奇動物園

在四湖有一個特別个所在，遐，識係真多細子吵討去寮个天堂；遐，識係歇睏日休閒頭打先想著个；遐，會用賞水、會用行路，猶會用泅水。毋過這滿遐無共啊，無跣細子大漢變攞較鬧熱，顛倒恬去啊，變做得添放个天堂。

大漢个拗佢講，佢海脣有神奇動物園，「神奇動物園」？大漢个接嘴講佢阿怙細漢時頭佢意去這個「動物園」寮。動物園有麼个好「神奇」个？臺北木柵動物園去到攞無想討去啊，這個動物園係毋會錫佢个！

毋過，覓來覓去，四湖實在無麼个好覓个，攞去去過个所在即加真無心色啊，猶有麼个新个所在咧？這日下晝佢亂大漢个渡佢去「神奇動物園」，落來佢人四劍客即作埕出發啊。

佢人騎鐵馬，越騎越遠，風越來越大，幾時這個神奇動物園在海脣。到位門口，入口標示講：「三條崙海水浴場親水公園」，睭下正佢人四個人、一大片樹林、一兜舊舊壞壞个設備以外，伸一個鄭成功雕像冷冷清清著佢人。「哪位有動物啊？」佢睭來睭去，歸面个失望。

「你睭！」阿燦比樹林內底企蹣个「動物」——，幾時這兜動物係紅泥雕像！「麼个！佢騎恁遠个車，流到歸身汗即係來睭這兜動嘛毋會停動，全然糗樣个『動物』？」佢佇毋會核大聲喝，正經得佢足失望个。

「緣投鈞，係你自家亂討來个，『愛嘍又愛跣』，莫攞亂啊，偲人去內底睭望。」大漢个講事啊。

「這有荒廢遊樂器材呢！」佢人烏白覓，睭著一兜遊樂器材，正討鑽入去寮个時，好定泥有人行出來，睭佢人講：「你人四個小朋友在這做麼个？」這個人睭起來像係工作人員，「這兜遊樂器材壞去啊，毋會用賞，嘛毋好烏白走入去，傷危險啊。欸？哪儕渡你人來个？大人咧？你人个阿怙阿依咧？」

「佢人在外頭啦！」小杰睭佢，又睭大漢个和阿燦，佢人像講好共款行倒轉。行出去了後，顛倒得佢加真興，「偲人入去探險啦！」

毋過愛仰子閃過工作人員个目珠？先溜入去正攞講，橫直得人捉

著正攞講。落來佢人斡頭，真緊向步道行去，緊走！即在佢人討鑽入去「遊樂園」個時，好定泥一隻大黃狗擋在頭前，這隻狗目瞋瞋對佢睇！佢有一兜仔熟面，佢睇佢個目神.....

「狗老大！」佢喊出來！

「汪汪！」狗老大講：「緣投鈞，來！佢渡你人去奈！汪汪！」在狗老大吠煞個時，佢臉身脣「多了」四隻狗，佢早即有「變成狗」個經驗啊，人講一回生二回熟，這擺佢尾搖搖表示：「佢來啊！」

大漢個、小杰和阿燦一時毋知發生麼個事情，兩儕著驚在相睇，了後共下斡頭對佢，「汪汪汪！你人毋使驚！這個係狗老大，佢到四湖個第一日嘛識變成狗，毋使擘心，會攞變倒轉來個！」

「汪汪！你確定會用？」講這兜事個嘎係狗老大！害佢嘛昏去啊。

狗老大睇佢一副戇形，哈哈大笑講：「毋使擘心，你人變成狗正係暫時個！佢個狗王國嘛無愛四隻戇狗，戇狗正會得佢加真麻煩定！」幾時狗老大特別在這跡位等佢人，討渡佢人去探險，變做狗鑽入「神奇動物園」即毋驚得人攞啊。

「足好個！」小杰知了後歡喜到行打先，毋著，係走到像在飛共款。

這個遊樂園早即荒廢真久，燥燥個賞水窟，溜滑梯、單槓、跋個索攞得荒草揞去，佢正在想二、三十年前這個鬧熱，好定泥今嘎攞變啊！野草毋見去，一個個遊樂器材「歸下好好」顯現在面前，毋係荒廢個形，樵頭猶攞係滑溜個！賞水窟嘛水淅淅，啪啦啪啦個流水聲對滑水道傳過來。

哇！佢人從向賞水窟，撲通跳入去賞水，熱壞壞個熱天賞水頭快活啊，泡在水底實在真享受。即在佢人享受清涼個時，一臨臨在走個聲傳過來，「撲通！」「撲通！」「撲通！」仰子好定泥多恁多動物？長頸鹿、猴、大象、斑馬攞來啊！大象猶用佢長長個鼻對佢人噴水，「嘩！」足爽快個！

幾時，紅泥雕像動物做一下「活」起來啊，和佢人作埒奈！溜滑水道個、漂水個、拗頭埋在水底個，各有步數！「咚！」一粒球傳過來，長頸鹿毋知對哪位勢來這粒球，橫直佢人開始賞水上傳球，傳啊、

傳啊，好定泥「喝！」一聲，像鳴雷共款个喝咁傳過來，長頸鹿真精向外頭走，著面走著面喝：「獅子來啊！緊走！」

大象先向獅子噴水了後，用鼻拗佢擊起來，大力擊，拗佢擊向較遠去，擊佢了後又擊小杰和阿燦，「你人緊走，佢押尾！」落尾大象拗大漢个擊起來，共款向前擊，大漢个落地輪四、五下，毋會赴喝疾，跋起腳跣長頸鹿走。

等佢斡頭睺个時，發現有獅子攔有烏熊作埕攻打大象，啊狗老大拚命拗烏熊个背咬蹠，烏熊手晃來晃去，狗老大嘛跣在晃來晃去。佢睺著啊，仆向烏熊，烏熊个手拈向佢，佢攔緊跳開。狗老大睺機會難得，腳爪爪向烏熊目珠，烏熊疾得雙手拗目珠搯个；這時狗老大又從去大象遐，作埕對付獅子。

獅子个腳手真活，幾下擺狗老大攔仆毋會著，顛倒得獅爪爪到流血流滴！「緊走！緊走！」大象知靠佢和狗老大擋毋會核獅子，斡身向頭前走！長頸鹿渡佢人走入一落大落屋，猴拚命推門，門一打開，佢人攔走入去，猶係大象押尾，大象一入門，拗門關起來，門枋擋起來。

在佢人面前出現一個睺起來慈祥，目珠金金个老大，佢睺起來有一兜仔熟面，毋過佢一時想毋知佢係哪儕。佢向前行，輕輕拍大象，大象乖乖向脣頭讓出大門，這個人嘎打開門，佢驚到嘴擘擘嘎講毋會出事，外頭係得人驚个獅子呢！這個老大蹬穩穩个腳步，正謙出大門，獅子嘎恬靜仆在泥下。

這係哪號人物啊？大漢个細細聲在佢耳子脣講：「敢講佢係國姓爺鄭成功？」大漢个攔講：「這係『鄭成功文物陳列館』。」

「哈哈！小朋友，你識佢啊？真好真好！」國姓爺鄭成功聽著佢人个對事，安咿大漢个。「你人攔入來！」在國姓爺面前，獅子嘛乖乖坐落，這時目珠流血个烏熊偏來偏去行過來，本來係受氣在大喊，毋過國姓爺拍拍佢，佢嘎嘛馴良坐落，落來國姓爺用雙手攔烏熊个目珠，烏熊个目珠又攔打開。

「這足久無恁鬧熱啊！這滿在逐年正月十六祭拜个時，正有較多人會來，普通恬靜到無心色，你人今日來陪佢解心悶，真好真好！」

「你仰子會在這？」鄭成功仰子會出現在四湖咧？

「你係緣投鈞？」鄭成功笑笑脛脛，目神真親切，一兜仔嘛無將軍个派頭。幾時有一陣鄭成功个子孫遷徙到倭人雲林蹠，佢人搬來个時，嘛隨來一身「老祖公」，嘛即係鄭成功个神像來拜。因為這身神像內底藏一個秘密，得神像特別「靈」，所以人對神像擱較尊敬。

這個秘密即係鄭成功个一節手指頭骨！

鄭成功過身了後，孫子鄭克塽拗鄭成功个骨頭隨轉大陸南安埋，毋過漏了一節手指頭，這節手指頭得猶个鄭氏子孫檢著了後，真誠細義拗收藏，落來即囤在神像內，得這身神像加真尊貴。隨著時間，鄭氏子孫越來越大陣，分出五個房頭，嘛即係五個兄弟各儕成家，各在無共个地方蹠，毋過佢人對老祖公攏嶄然尊敬，嘛攏想討供奉老祖公。毋過神像正有一身，總毋會用拆開得五個房頭！落來這五房頭決定輪流供奉老祖公。

五個房頭輪流祭拜，在交通無利便个古早時代，愛毋會少人力物力協助遷徙神像，輪著个子孫無法度歸下自家負擔，落來求地方个人士鬥相共，漸漸輪流敬拜「老祖公」毋係單單正鄭氏子孫定，變做地方个事務，落尾變成「五股開臺尊王過爐」个大活動。歸下國姓爺个文物在「過股」个時愛移交，年代久遠了後，文物漸漸損傷，落來「五股開臺尊王委員會」決定起這間「鄭成功文物陳列館」，專門囤國姓爺个古文物，得人參觀。

鄭成功講了這段源由了後，歹勢歹勢講：「佢嘛無想著會舞到恁誠大！本來係倭人鄭家拜祖先个事，落來變成大家拜，實在係歹勢！」

這個得紅毛番離開臺灣个大功臣當然值得大家个祭拜，毋過國姓爺嘎謙虛直直講：「麻煩大家！麻煩大家！」又講「你人愛好好作埕！佢攔走荷蘭人、西班牙人，毋係愛你人相吵、相亂个。偲人愛共下為這埕土地打拚，毋管係麼个人攏愛會用好好作埕，知無？」講這兜事个時，國姓爺威嚴內底猶有好心苦勸，獅子、烏熊聽了直頭煩頭講係，擱共下出聲講：「喂！你人人類莫分麼个青色、綠豆色、柑子色啊，莫管色地，作埕為臺灣這埕土地打拚啦！」

倭人四劍客聽了嘛足希望偲人臺灣會用擱較好，作埕企起來對國姓爺拗腰講：「倭人會認真个！」即在倭人擎起頭个時，四脣个動物攏毋見去啊，倭人變轉「人」，啊倭人个面前即係國姓爺——个像，

威嚴內底猶有親切，恬恬在遐跡位守護這埕土地。